

Schrief met an neie Drentse kinderliedties!

Hej altied al geern liedties schrieven wild?

Wij jouw verhaal as liedtie op een cd?

Wi j met de hiele klas methelpen um een neie cd met twaalf kinderliedties te maken?

An alle kinder, klassen, lesgevers, ouders, mènsen met ideeën, studenten en aandern

Dit schoeljaor komt er een cd met neie Drentse kinderliedties. Zangeres Martijje! giet dizze cd maken; zie wordt derbij hølpen deur het Huus van de Taol, de Pabo Emmen en Kunst&Cultuur Drenthe. Met mekaar wil we dat der twaalf neie, frisse, neimoodse, goeie kinderliedties in de streektaol komt. En... dat die liedties zo mooi bint dat ze gloepende vaak zungen wordt, under andern in de mezieklessen op basisschoelen.

Julie hulp is neudig!

Wij vindt het belangriek, dat der een hiele koppel mènsen metdenkt over de inhoud van de neie liedties. Eigenlijk wil wij gewoon geern weten waor jullie over zingen wilt.

Wat wil wij geern van jullie?

Veur dit preject zuuk wij teksten of verhalen, die as basis veur een liedtekst gebroekt worden kunt.

Liedteksten die al hielemaol klaor bint, bint vanzölf ok van harte welkom. Een paar regels - bijveurbeeld veur een refrein - mag ok. Je moet het wal zölf bedacht hebben.

Je mugt het opsturen in het Nederlands, maor het mag ok in het Drents. Alles wat instuurd is, wordt bekeken deur de prejectgroep en die maakt der dan kant-en-klaore teksten van. Teksten in de streektaol! Aj zölf een complete tekst instuurd hebt - en as die oetzöcht wordt - kan het weden dat der toch nog dinkies in veraanderd wordt. Zo giet dat mangs. Wij belooft je daw alles goed bekiekt. Prebeer echt dinger van dizze tied an te levern. Neimoods, fris en verrassend, daor hol wij van.

Hoe giet het in zien wark?

Je idee veur een lied, je verhaal of je tekst mug ie allén bedenken, maor je mugt het ok met mekaar doen, bijveurbeeld met een koppellie kammeraoden, met de hiele klas, met je pap en mam of as groepie studenten. Je stuurt het veur 30 november ankommend met de lienpost naor kinderliedjes@martijje.nl of met de gewone post naor het Huus van de Taol, t.a.v. 'Neie Drentse Kinderliedties', Postbus 163, 9410 AD Beilen. Vergeet niet der even dudelijk je eigen naam en adresgegevens bij te zetten.

Alle inzendingen wordt beoordeeld en daornao wordt der twaalf oetkeuzen die op de cd komt.

Tekstschrievens gaot an de slag met alle ideeën die instuurd bint en het kan weden dat paartie teksten bewarkt wordt. Vervolgens wordt der meziek bij maakt. En dan wordt de twaalf liedties opnummen op een cd. Zie komt er allemaol twei keer op: ien maol met tekst en ien maol as karaoke-versie. Wieder wordt er ok een liedbundel bij maakt met de teksten in verscheiden soorten Drents. Ok komt er oefeningen bij en didactische raodgevings en zo. As klap op de vuurpijl maak we der ok een cd-rom bij, die het meugelijk maakt um het digitale schoelbord te gebroeken.

Het hiele pakket van cd, liedbundel en cd-rom kunt alle schoelen en koren in Drenthe anschaffen.

Je naam op de cd!

Op de cd en in het album wordt de bedenkers van elk lied nuumd! Geweldig toch?! Je naam op een cd!

Vraogen?

Aj nao het lezen nog vraogen hebt, kuj die stellen via de lienpost: kinderliedjes@martijje.nl. Kiek veur de aordigheid ok maor ies op www.martijje.nl/kinderliedjes

Projectpartners:

- Martijje!
- Huus van de Taol: Jan Germs
- Pabo Emmen: Jan Kruijnk
- Kunst & Cultuur Drenthe: Marinus Scholten



martijje!


Stenden
hogeschool


Kunst
Cultuur
DRENTH